

# Ephesussi Chostshogsla Paului Chagdis.

## Ephesussi chostshogsla Paului chagdisi skor.

I chagdis taŋ sɲunme chostshogssi uskyoŋgun gyudte, ɲadaŋɲa i chagdispo Tsoo Yesu mashike skutshabs Paului ɟia dzadkanbo gyus chanog.

Ɖadaŋgunla chossi khaspagun gyudte, i chagdispo Yesu ɟoŋste sotea zhaŋste stiŋne lo 27 ni nyekhorla ɟia dzadkanbo gyus chanog. Ibo Rommi naŋɲa khoŋ taŋporan tsonla kagste yodtus ɟia dzadte inkanbo sammanog.

Paului i chagdis ɟicessi gyuntshanbo, Konchoggi khoŋraŋɲi migunni phia khoŋɲi thamedpe thabsldiŋspo Ephesussi Mashikapagunla hagoshesla rogs coa dzadcespo inpin.

Paului chostshogsla igun hagocugcessi dodpa yodpin:

Taŋpo, ɲadaŋgun ɲadaŋraŋɲi phanthogssi phia manpa, Konchog khoŋraŋɲa stodpa taŋ spalli phia skyobba dzadte innog.

Nyispa, stiŋjuggi tussi naŋɲa dzambuliŋɲi ʂog yodkan tshaŋma mashike waŋɲi yogga borra dzadin.

Sumpa, Konchog nyampo ɲadaŋgunni yaŋskyar thundelbo khoŋɲi thugrje zhaste innog.

Zhipa, Konchoggi Yahudapa taŋ Yahudapa mankan tatpacangunni naŋɲa thundel khyoŋɲa dzads.

ʂɲapa, ɲadaŋgun ta, zugspo cig yaŋna chostshogs gyurte innog, kaboe go ni Mashika in.

Ɖugpa, chostshogssi naŋɲa cigdil taŋ chostshogspo sambacan gyurcessi phia ɲadaŋgunla Konchoggi chogsne khyudgun thobte innog..

## Paului ju zhus.

### 1:1 ne 2

**1** <sup>1</sup> Ɖa Paulu Konchoggi thuggoŋs naŋzhinla, mashike skutshabs in. Ɖe i igebo Ephesussi gyalse naŋɲa yodkan Konchoggi mi dampagun taŋ tatpacan Yesu mashike gyabne ɟulkangunla ɟiad.

<sup>2</sup> Nadaanji Konchog yab tañ Tsoo Yesu mashike thugrje tañ zhide khyozhagunla salshig.

### **Semsnyiddi cinlabsgun.**

#### **1:3 ne 14**

<sup>3</sup> Nadaanji Tsoo Yesu mashike yab, Konchogga stodpa phulshig. Khoñji Mashika gyudte nadaanunla namkhe thugnyiddi cinlabs tshañma salla dzadte innog. <sup>4</sup> Mashika gyudte Konchoggi skundunla dampa tañ skyonmed dzadcessi phia jigsten machagssi sañ sñunla khoñji nadaanja cessa dzadte ldamma dzads. <sup>5</sup> Konchoggi khoñrañji thuggoñs tañ thadpo nañzhin, Yesu Mashika gyudte nadaanun khoñji sosbu lenna dzadcesla sñunne parla thagcadda dzads. <sup>6</sup> Teboephia khoñji khoñrañji şas cessa gyudte, nadaanunla rin medpa salkanni te spalcani thugrjeboa stodpa phulin. <sup>7</sup> Konchog ni thugrje bañdzod in pasañ, khoñrañji şassi thag gyudte, nadaanunla rañwan nyoa dzadte nadaanji sdigpagunla shagspa salla dzads. <sup>8</sup> Khoñji thugrje matshad shesrabs tañ hagoañ nadaanunnika snyin pheste lugga dzads.

<sup>9</sup> Konchoggi Mashika gyudte ðub cugga dzadcessi sañwe thabspo, nadaanunla sñon cugga dzads, te thabspoe khoñji thuggoñs zañpo ðañdaa ðub. <sup>10</sup> Te thabspo ni, ldamma dzadkanni tuspo lebbacig, khoñji namkhaa tañ jigstenni nañja şog yodkan tshañma kugste, mashike wañji yogga borra dzadin. <sup>11</sup> Konchoggi Mashika gyudte nadaanun ldamma dzadte nadaanunla namkhe nañja norskalgun thobste innog, ciazerna khoñji sñunne pharla khoñji thuggoñs nañzhin citshañma ðañda ðubcugcesla thabs dzadte inpin.

<sup>12</sup> Konchoggi dodpabo ni, nazaaha Yahudapa mashikeka idshes cokañ tañpo migunni, khoñja spal tañ stodpa khyoñcespo inpin. <sup>13</sup> Yañ khyozhaa Yahudapa mankangunniañ tharpa thobcessi denbe lonbo tshorte, mashikeka tatpa cos pasañ, Konchoggi khyozhagunnika khoñrañji thetsebo sals, kabo khoñji zhalchad dzadkanni dampe thugnyid innog. <sup>14</sup> Dampe thugnyidpo ni, Konchoggi nadaanja namkhe norskal salla dzadces tañ nadaanun nyoa dzadte, khoñrañji migun gyur cugga dzadcessi, khoñji khachadpo innog. Khoñrañja spal tañ stodpa thobcessi phia, Konchoggi tebo coa dzads.

**Thugrjeche taŋ moslam.****1:15 ne 23**

<sup>15</sup> Khyozhagunni Tsoo Yeshuika tatpa khyoŋces taŋ Konchoggi mi dampa tshaŋmala cespa corug zerte ŋa tshorpane pharla, <sup>16</sup> ŋe moslamgunni naŋŋa khyozhagun idtu coin tusgyun khyozhagunni phia Konchogga thugrjeche zhuad. <sup>17</sup> Konchog, ŋadaŋŋi Tsoo Yeshu mashike zirrijidcanni yabba, khyozhagunla khoŋ maŋŋa gyalla sheshessi phia, khoŋŋi khyozhagunla thugnyiddi shesrabs salces, yaŋ khoŋraŋ khyozhagunla sŋon cugga dzadcesla, ŋe tusgyun zhua phullad. <sup>18</sup> Konchoggi rincan taŋ spalcan norskal inkanni, dampa mi bodda dzadkangunla, khoŋŋi salkanni rewa hagogessi phia, khyozhagunni semspo oddi gaŋ cugga dzadcesla ŋe moslam phullad.

<sup>19</sup> Yaŋ ŋadaŋ tatpacangunni Konchoggi halasshessi shedpoe ŋadaŋgunni naŋŋa chaglas dzadcespo gyus chathubcessi phiaŋ ŋe moslam zhuad. Tenna halassi shedpoe, <sup>20</sup> Mashika shikangunni ŋone santea laŋŋa dzadte, namkhe naŋŋa Konchoggi chag yaspe thissika zhugshugga dzads. <sup>21</sup> Itus matshad yoŋcescanni tuspoe naŋŋaŋ, mashike waŋ ni namkhaa taŋ seka yodkanni sponbo, waŋsulpa, waŋcha yodkan taŋ, uskyoŋ gunni saŋ thoshogpo innog. <sup>22</sup> Chostshogssi phanthogssi phia Konchoggi citshaŋma mashike zhabssi yogga salte, khoŋ citshaŋmeka goskyoŋŋa skoa dzads. <sup>23</sup> Chostshogs ni, mashike skuzugs innog, yaŋ khoŋ teboe naŋŋa naste chostshogspo gaŋpo dzads. Khoŋŋi karuŋsa citshaŋme naŋŋa khoŋraŋ skaŋŋa dzads.

**Shicesne mitshe chogsla.****2:1 ne 10**

**2** <sup>1</sup> Konchoggi khaa minyances taŋ sdigpa gunni zhaste, khyozhagun semsnyiddi thogne shite inpin. <sup>2</sup> Tedusla khyozhagun jigstenpa tatpa medkangunni lammika ðulladpin, yaŋ jigstenni semsnyid ŋanpagunni waŋsulpa shetanni stiŋraŋne soŋte inpin. Khoe taruŋŋaŋ Konchoggi khaa minyankangunni naŋŋa las coanog. <sup>3</sup> Skabsshigga, ŋadaŋgunnaŋ khoŋgun tsogsla sdigpe dodpa tshaŋma ðubcugin, te sdigpe dodpa taŋ samtshulli lammika ðulladpin. Khoŋgun tsogsla ŋadaŋgunnikaŋ Konchoggi thugssŋo taŋ chadpa babsshespo ospa inpin.

<sup>4–5</sup> Sdigpagunni zhaste ŋadaŋgun semsnyiddi thogne shite inteanaŋ, snyiŋrje gaŋste yodkanni Konchoggi ŋadaŋgunla camspa chenmo dzadspa, khoŋŋi ŋadaŋgun

Mashika nyampo son cugga dzads. Khoŋŋi thugrje cigpo gyudte, khyozhagun skyobba dzads. <sup>6</sup> Dadaŋgunni thundel Mashika Yeshu nyampo yodcespoe, khoŋŋi ŋadaŋgun Mashika nyampo shikangunni tone sontea laŋŋa dzadte, namkhe naŋŋa zhugsthisgunnika Mashika nyampo borra dzads. <sup>7</sup> Konchoggi tebo coa dzads, ciazerna maonŋspe tussi naŋŋa Mashika Yeshu gyudte ŋadaŋgunni phia khoŋŋi kaŋin taŋ thugrje tsamshiggi halasshes inkanbo, tshaŋmala stancesi thugsdod yodte innog.

<sup>8</sup> Tatpa gyudte thugrje zhaste, khyozhagunla tharpa thobte inpin, yaŋ te tharpabo khyozhe stsonduŋ manpa, Konchoggi chogsne salkanni solras innog. <sup>9</sup> Tharpabo ŋadaŋŋi las zaŋpoe zhaste man pasaŋ, ŋadaŋ suzhiggiaŋ teboeka phoso stan minyan. <sup>10</sup> Dadaŋ dagsa yodkanbo Konchoggi coa dzadte innog. Konchoggi sŋunla, daŋdig coa dzadkanni las zaŋpogun cocessi phia, khoŋŋi ŋadaŋgun Mashika Yeshui naŋŋa, mi soma rig coa dzads.

### **Mashike naŋŋa cigdil.**

#### **2:11 ne 18**

<sup>11</sup> Ta ibo idtu borshig, khyozhaa skye zane Yahudapa mankan yaŋ Yahudapagunni khyozhaa sunnad macokan tshitugun zerradpin, ciazerna khoŋgun sunnad cokan inkanboeka maŋante phoso coadpin, kaboe khoŋŋi semsgunla manpa, zugspo cigpoa gyurja khyoŋŋanog. <sup>12</sup> Te zane khyozhagunni Mashika nyampo caŋ del medpin. Khyozhagun Israelli mirgyuddi toa thea medpin, yaŋ Konchoggi khoŋgunla dzadkanni zhalchaddi naŋŋa khyozhagun ŋea madzads. Khyozhagun i jigstenni naŋŋa Konchog taŋ rewa medkanni migun inpin. <sup>13</sup> Innaŋ sŋunla Konchogne maa thagriŋŋa yodkangun, mashike skuthag ŋkyaŋshiŋŋika phoa dzadcespoe, dagsa Konchoggi Mashika Yeshui naŋŋa khyozhagun khoŋraŋŋi nyemoa khyoŋŋa dzadte in.

<sup>14</sup> Mashika khoŋraŋŋi Yahudapa taŋ Yahudapa mankan gunni naŋŋa zhide khyoŋŋa dzads. Mashike i sde nyiskoe naŋŋa yodkanni naphraddi stsigpabo shigga dzadte cig gyur cugga dzads. <sup>15</sup> Khoŋŋi Yahudapagunni chossi kaŋhims taŋ kagyaa gun medkan coa dzadte mashike i sde nyisko, khoŋraŋŋi naŋŋa mirigs somazhig coa dzadcespoe, khoŋgunni naŋŋa zhide khyoŋŋa dzads. <sup>16</sup> Khoŋ ŋkyaŋshiŋŋika doŋssa dzadcespoe khoŋŋi i mirigs nyisko Konchog nyampo thuncugga dzadte, i nyiskoe naŋŋa yodkanni naphradbo medkan coa dzads.

<sup>17</sup> Mashika phebste khyozhaa Konchogne maa thagriŋŋa yodkan taŋ ŋazhaa Konchoggi nyemoa yodkan nyiskoa zhide gamoe nastshul shadda dzads.

<sup>18</sup> Ciazhuna Mashika gyudte, ŋadaŋ gunni yab Konchogga dampe thugnyid cig gyudte moslam zhuthubin.

### **Tsooe phia chodkhaŋ.**

#### **2:19 ne 22**

<sup>19</sup> Tennaboephia khyozhaa Yahudapa mankangun, tanepharla masheskan taŋ zhanyulli mirig manog. Konchoggi dampe migun nyampo khyozhagunnaŋ, khoŋŋi gyałšiddi mi, yaŋ Konchog khoŋraŋŋi naŋmigun innog. <sup>20</sup> Ŋadaŋgun Konchoggi khaŋpa innog, kabo skutshabsgun taŋ luŋstonpagunni stsigssmaŋŋika stsigste in, yaŋ Mashika Yeshu khoŋraŋ ni, te khaŋpe ŋurdoa khagcanbo in. <sup>21</sup> Mashike naŋŋa dzomste ŋadaŋgun Tsooe phia, dampe chodkhaŋzhig ldanin innog. <sup>22</sup> Yaŋ Mashika gyudte khyozhaa Yahudapa mankangunnaŋ, Konchoggi dampe thugnyid nassa dzadkanni nassa gyurin innog.

### **Yahudapa mankangunni ŋoa Paului chaglas.**

#### **3:1 ne 13**

**3** <sup>1</sup> Tennaboephia ŋa Paului, Mashika Yeshui zhabstog zhuste khyozhaa Yahudapa mankangunla gamoe nastshul shadcespoe, ŋa tsonni naŋŋa yod. <sup>2</sup> Ŋaa tantan rag, khyozhagunni ibo tshorte yodŋo, Konchoggi ŋa khyozhagun nyampo khoŋŋi thugrje gocessi khag stsadcanbo salla dzads. <sup>3</sup> Konchoggi saŋwe thabs ŋa sŋon cugga dzadkanbo ŋe dorlduste i igye naŋŋa Griiste in. <sup>4</sup> Tebo sil zane, mashike phia saŋwe thabs ŋaa hagokanbo khyozhagunla gyus chathubin. <sup>5</sup> Sŋunni Mirabsgunla, te saŋwe thabspo sŋon cugga madzadkyag. Innaŋ ta dampe thugnyid gyudte Konchoggi khoŋraŋŋi dampa skutshabs taŋ luŋstonpa gunla, tebo sŋon cugga dzads.

<sup>6</sup> Te saŋwe thabspo ni ibo innog, gamoe nastshulla tatpa cocespoe Yahudapa mankangunlaŋ Yahudapagun tsogssi norskal thobin. Yeshu mashike naŋŋa, te nyisko zugspo ciggi yanlag gyurte Konchoggi zhalchad dzadkanni naŋŋaŋ ŋes thubin. <sup>7</sup> Konchoggi shed taŋ khoŋŋi thugrjecanni solras gyudte, ŋaa gamoe nastshul shadkanni zhabstogpa gyurte in.

<sup>8</sup> Konchoggi dampa mi tshaŋme naŋne ŋaa tshaŋmesaŋ stsismed ininzhig taŋ, khoŋŋi Yahudapa mankangunla mashike halasshessi baŋdzoddi skorla shadcessi

thugrjebo ña salla dzads. <sup>9</sup> Yañ dzambuliñ dzadkanni Konchoggi dagsa tshogpa vaste borra dzadkanni thabspo, migunla hagocugcesla ña ldamma dzads.

<sup>10</sup> Konchoggi thugsdodpo ni chostshogsgun gyudte khoñji shesrabs snatshogs tshañma namkhe nañña yodkanni wañsulpa tañ wañ gunla stanna dzadcespo innog.

<sup>11</sup> Tennabo ni Konchoggi thamedpe thabsldiñspo inpin, kabo Mashika Yeshu ñadañji Tsooe nañña khoñji ðub cugga dzads.

<sup>12</sup> Ñadañgunni mashikeka tatpa tañ khoñ nyampo ðel yodcespoe, moslam tañ col zane ñadañgun jigs majigssa spospa nyampo Konchoggi skundunla yonñthubin.

<sup>13</sup> Tennaboephia ñe zhuwa in, khyozhaa gamoe nastshul shadcespoe ña sdugsñal thoñin yodkanboeka semsshugs machagga, spalñams tshorshig.

### **Ephesussi chostshogssi phia moslam.**

#### **3:14 ne 21**

<sup>14–15</sup> Tenna gyuntshanboe phia namkhaa tañ jigstenni nañña şog yodkan tshañmaa coa dzadkanni Konchog ñadañji yabba ñe pigdoñ tsugte moslam zhuad, <sup>16</sup> ñe moslam ni, Konchoggi stobs nyampo dampe thugnyid gyudte, khoñji halasshessi gyunorri khyozhagunni sems shedcan dzadshig. <sup>17</sup> Tene dadpe zhaste Mashika khyozhe semssi nañña zhugsin, yañ khyozhagun Konchoggi camspe nañña pañag zumste gyasshespo ñe moslam in. <sup>18</sup> Konchoggi mi dampa tshañma nyampo, mashike camspabo tsamshiggi zhañcan, riñmo, thonpo tañ tiñzabmo inkanbo hagocessi khyud khyozhagunla salshig. <sup>19</sup> Mashike camspa tañpo kabo gañpo hago thubba manog, teboe thoññoms khyozha chashig, tene khyozhagun Konchog khoñrañji codlam nyampo skañña dzadin.

<sup>20</sup> Ñadañgunni Konchogga stodpa phulin, ciazhuna ñadañji nañña chaglas dzadkanni khoñji shed gyudte, ñadañgunni zhukan ya samkan tshañmesañ mañña khoñji dzad nyannanog. <sup>21</sup> Mirabs tshañme chostshogs tañ Mashika Yeshui inkan gunne Konchogga tusgyunnegyun spal thobshig, amen.

### **Chostshogssi thunðel.**

#### **4:1 ne 16**

**4** <sup>1</sup> Tennaboephia Tsooa zhabstog zhucespoe ña tsonni nañña yodkanni, juju Konchoggi bodda dzadkanni ospe mitshezhig phudcesla khyozhaa zhuwa phullad. <sup>2</sup> Khyozhaa tusgyun nyamshuñ tañ, pasmo, zodpacan yañ camspe nañña cig tañ ciggi skyongunla shagspa tañste rogs coshig. <sup>3</sup> Zhide nyampo ldamste

thugnyiddi naŋŋa khyozhagun cigḍil dugcesla stsonḍus coshig. <sup>4</sup> Nadaanŋunla zugspo cig taŋ dampe thugnyiddaŋ cigcig yodte innog, kazug yoŋcescanni tussi naŋŋa khyozhagun rewa ciggi phia bodda dzadte in. <sup>5</sup> Nadaanŋunla Tsoo cigcig, idshes cigcig, ḥus lences cigcig, <sup>6</sup> tshaŋme Konchog taŋ yab cigcig zhugste in, khoŋŋi ḡadaŋ tshaŋme ka waŋṣulces, ḡadaŋ tshaŋma gyudte chaglas dzadces taŋ khoŋ ḡadaŋ tshaŋme naŋŋa zhugsanog.

<sup>7</sup> Mashike ḡadaŋ rerea khyud soso rig salte innog, innaŋ te khyudpo kazugshig salin khoŋŋi thagcadda dzaddanog. <sup>8</sup> Tennaboephia dampe suŋrabssi naŋŋa molte dug.

"Khoŋ thonpoa skyod zane,

Khoŋŋi zumma dzadkan maŋpo

Khoŋraŋ nyampo khyerra dzads.

Yaŋ khoŋraŋŋi migunla skyesgun salla dzads."<sup>a</sup>

<sup>9</sup> (Suŋrabssi naŋŋa "Khoŋ thonpoa skyods" molcespoe ḡadaŋŋa hagoanog, Mashika namkane thurla babste mamoa skyods yaŋna i jigstennika. <sup>10</sup> Yaŋ tenna thurla babssa dzadkanboe khoŋraŋŋi waŋ dzambuliŋ gaŋpoe naŋŋa ṣulla dzadcesla namkhe tshaŋmesaŋ nassa thonpoa skyodda dzads).

<sup>11</sup> Mashike khacig skutshabs, khacig luŋstonpa, khacig gamoe nastshul shadkan, khacig chostshogsla stastog cokaŋ taŋ khacigga lobpon cocessi skyesgun chostshogsla salla dzads. <sup>12</sup> Khoŋgunni khagpo ni, mashike skuzugs shedcaŋ gyurcessi phia Konchoggi migun khoŋŋa zhabstog zhucesla, ḍaldig cocespo innog. <sup>13</sup> Mashike tebo dzadin zhugsin, namtshogpa, ḡadaŋ tshaŋma tatpa taŋ Konchoggi ṣas sheshessi naŋŋa cigḍil michaa. Tene ḡadaŋgun dadpe naŋŋa ldante dzomspo inkanni Mashika tsogs gyur thubin.

<sup>14</sup> Yaŋ ḡadaŋ ṡugu chuŋungun tsogs milus, kagun labzha some luŋsraggunni iŋone aŋoa ḥidces, yaŋ mi skyonjangunni zusme thabsgun gyudte gobskor nyannanog.

<sup>15</sup> Innaŋ ḡadaŋgunni Konchoggi ḍaŋpobo camspa nyampo shadinnaŋ, ḡadaŋgun cisathogne mashike naŋŋa ldanin, kabo chostshogssi go zhugste in. <sup>16</sup> Mashike khoŋraŋŋi mitshaŋma ldamste borra dzadste innog, kazuggi gyuspe zugspoe

---

<sup>a</sup>4:8 ibo ni zhalchad snyiŋpe suŋgurri speche 68:18 naŋŋa yodte innog.

yanlag tshaŋma thudte borrad. Galtes zugspoe yanlag tshaŋme cogoscescanni lasgun cona tene zugspo gaŋpo camspe naŋŋa ldante shedcan gyurin.

### **Mashike naŋŋa mitshe somazhig.**

#### **4:17 ne 32**

<sup>17</sup> Tennaboephia Tsooe waŋŋi naŋŋa ŋe khyozhagunla zerrad, yaŋ spanpuddad, ta tatpa medkangun tsogs mitshe phudces phonshig, ciazerna khoŋgun rewaa medkanni naŋŋa gokhorte innog. <sup>18</sup> Khoŋgunni samba, mundiggi gaŋste khoŋgun Konchoggi salkanni mitshene ma thagriŋŋa soŋte innog, ciazerna khoŋgunni miŋnaŋ Konchoggi skorla samba taŋces gagste snyiŋgun skyoŋpo coste innog. <sup>19</sup> Khoŋgun maŋsteaŋ thelmed, lusdel ŋanpe stiŋraŋne baŋtaŋkan, yaŋ tshitu las tshaŋma cocesla riŋssanog.

<sup>20</sup> Innaŋ khyozhe mashike naŋŋa mitshe pudces lobskanbo khoŋgunni phudkan tsogs mitshe manog. <sup>21</sup> Khyozhagunni Yeshui skorla tshorte yaŋ khoŋŋi naŋŋe yoŋkanni daŋpoe skorla lobste in pasaŋ <sup>22</sup> snyiŋpa taŋ sŋunni sdigcan mitshe phudtshul gun phonshig kabo gobskorri dodpe gaŋste ŋadaŋ daŋpoe lamne thagriŋŋa khyerrad. <sup>23</sup> Innaŋ dampe thugnyidla khyozhagunni samtshulli naŋŋa gyurja khyoŋcugste, <sup>24</sup> Konchoggi khoŋraŋ tsogs dzadkanni mitshe somabo koslag tsogsla raŋŋa skonshig, kabo denbe daŋpo taŋ dampa in.

<sup>25</sup> Tennaboephia zun taŋces phaŋste tatpacangunla daŋpo zergos, ciazerna ŋadaŋgun zugspo ciggi yanlag soso innog. <sup>26</sup> Őo yoŋ zane, teboa khyozhagun sdigpe chogsla thid macugshig<sup>b</sup>, yaŋ te Őobo tenna zhagne thalte chacug magos. <sup>27</sup> Teboe kane shetanla phanthogs lencessi skabs mataŋshig.

<sup>28</sup> Őkunmagunni Őkuces phonshig. Innaŋ khyozharaŋŋi lagpa badte daŋpo las cogos, tene gosdom yodkangunla khyozhe rogs cothubin. <sup>29</sup> Khyozhe kane spera ŋanpa mane biŋ macugga zaŋpo taŋ phanthogscanni spera toŋshig, tene khyozhe spera nyanin yodkangunla khyozhe spospa skyecug thubin.

<sup>30</sup> Konchoggi dampe thugnyidla thugstsher skyod macug, kabo thame zhagga khyozhaa rin shalte tharcugcessi thetsebo in.

<sup>31</sup> Khonborces, Őo yoŋces, nolces, cig taŋ ciggi codpe skorla ŋanpa zerces taŋ codlam ŋanpe rigs tshaŋma phaŋste medkan coshig. <sup>32</sup> Cig taŋ cigga snyiŋrje,

---

<sup>b</sup>4:26 ibo ni zhalchad snyiŋpe suŋgurri speche 4:4 naŋŋa yodte innog.



camssems tañ shagspa toñshig, kazuggi Mashika gyudte Konchoggi khyozhaa shagspa salte in.

### **Konchoggi oddi nañña mitshe phud.**

#### **5:1 ne 20**

**5** <sup>1</sup> Khyozhaa Konchoggi cespe tugugun in pasañ, khoñ ðulla dzadkanni lammika khyozhagunnañ ðulshig. <sup>2</sup> Khyozhagunni mitshee camspe nañña phudshig, kazug mashike ñadañgunla camspa dzadte ñadañgunni phia ðoñssa dzads, khoñ ni Konchogga ñizhimmi chodpa tañ şogchod innog.

<sup>3</sup> Innañ khyozhagunni nañña lusðel ñanpa, ya lasñan tshitu ya nabsems chuñunzhiggañ yoñ magos, ciazerna Konchoggi mi dampagunni nañña te tsogs sdigpe phia nassa medpa innog. <sup>4</sup> Khyozhagunni ðhelmeddi ruñs, tonmeddi spera, tañ khamlog hababs tañ magos. Tetsogs ospa mankanni spera taññi sañ Konchogga thugrjeche zhugoshes innog. <sup>5</sup> Ibo tantan innog, codlam ñanpa, tshitui las, ya nabsems (Nabsemcangunni jigstenni norla chagshespo skunða colkan tsogs innog) tetsogssi migunla Mashika tañ Konchoggi gyałşiddi nañña cañ norskal mithob.

<sup>6</sup> Khoñgunni khorañgunni sdigpe lasgun kabcessi sammed speragunnika den masheshig, ciazerna tetsogssi sdigpa cokan khaminyangunnika Konchoggi thugsşo babssanog. <sup>7</sup> Teboephia tetsogssi migun nyampo ðes maðes. <sup>8</sup> Skabsshigga khyozhagun mundiggi gañste yodpin, innañ dagsa Tsooe nañña incespoe khyozha oddi gañste innog. Tennaboephia oddi migun tsogsla mitshe phudshig. <sup>9</sup> Te oddi zañpo, ðañpo tañ denba ðasbugun cigpo sminnanog.

<sup>10</sup> Tsoo thugsthadda dzadkangun tsalcessi stonðus coshig. <sup>11</sup> Munnaggi las ðasbu machagskangunni nañña maðeshig, innañ gyodpa cocessi phia khoñgunni skyongun stonshig. <sup>12</sup> Khoñgunni sañste sdigpe las cokangunni skorla spera tañcespo khorañ, ðhelbazhig innog. <sup>13</sup> Innañ oddi nañña vaste borkan tshañma salpo coste thoññanog. <sup>14</sup> Od phogkan tshañme ldañs taññanog. Tennaboephia dampe suñrabssi nañña moldug.

"Nyidlogkangun nyidne loñshig.

Shikangunni ñone sontea loñshig.

Yañ mashike ldañspo khyozheka phogin"

<sup>15</sup> Tennaboephia khyozhagunni mitshe phudcessi nanja shaj coshig. Samba medkangun tsogsla maphudda, shesrabschangun tsogsla mitshe phudshig. <sup>16</sup> Skabs thobkan tshajma las zangpo cocessi nanja kolshig, ciazerna i tusgun nanpa innog. <sup>17</sup> Samba medkan magyurra Tsooe thuggonj inkambo hagogessi stsonjus coshig. <sup>18</sup> Raroste madugshig, teboe codpa nanpe lasgunni nanja thiddanog, innaj khyozhagunni mitshebo dampe thugnyiddi skonshig. <sup>19</sup> Khyozhagunni toa sungur, gurma taj choslu gun tajin, Tsooe phia, khyozhagunni snyinji nanja stodpe lu skonshig. <sup>20</sup> Nadaanji Tsoo Yesu mashike nadaanji phia dzadkan tshajmaa, tusgyun nadaanji yab Konchogga thugrjeche zhushig.

### **Nama taj magpa gun.**

#### **5:21 ne 33**

<sup>21</sup> Khyozhagunni Mashika stsiwa cocespoe, cig taj ciggi wanji yogga borshig.

<sup>22</sup> Nama khyozhagun ranji magpe wanji yogga dugshig, kazug khyozhe khyozharaj Tsooe wanji yogga borrad. <sup>23</sup> Ciazerna magpa ni name go tsogs innog, kazug Mashika chostshogssi u in, yaj koj kojnji skuzugs chostshogssi skyabgon innog. <sup>24</sup> Mashike, chostshogs kojranji wanji yogga borra tsogsla namagunnianj, khorangun cisathogne khoranji magpe wanji yogga borgos.

<sup>25-26</sup> Magpagun, ranji namaa cespa coshig, kazug mashike ranji chostshogsla cespa dzadte, kojranji chostshogs dampa coa dzadcesla donssa dzads, yaj Konchoggi ka nyampo lagmo dzadte chu nyampo thua dzads. <sup>27</sup> Tegun coa dzads ciazhuna kojnji dag ya sul ya midigces medkan, innaj ladanjan, dampa taj skyonmedkanni chostshogsshig, kojranja stadces innog. <sup>28</sup> Tenna tsogsla, magpagunni ranji zugspoa cespa coa tsogsla, ranji namaa cespa cogoshes innog. Ranji nama cespa cokangunni khoranja cespa coste innog. <sup>29</sup> Nadanj suzhiggian ranji zugspoa naphrad macoa, teboa kharji sterte, stastog coanog, kazug mashike chostshogsla stastog dzaddad. <sup>30</sup> Ciazerna nadangun mashike skuzugssi yanlag innog.

<sup>31</sup> Dampe sunrabssi nanja moldug,

"Tennaboephia butshaa khoranji aba taj ama phanste

Ranji nama nyampo dzommanog

Yaj koj nyisko zugspo cig gyurin"<sup>c</sup>

---

<sup>c</sup>5:31 ibo ni zhalchad snyinpe gozug zerkanni speche 2:24 nanja yodte innog.

<sup>32</sup> Te speragun hagogesla maa kagspo yodte innog, innañ denba, ñe Mashika tañ chostshogssi thundelli skorla shadte in. <sup>33</sup> Dorldusna khyozha rere raññi nama nyampo cespa cogos, kazug khyozhe khyozharañgunla cespa coad, yañ namagunni raññi magpa stsiwa cogos.

### **Ṭugu tañ phama.**

#### **6:1 ne 4**

**6** <sup>1</sup> Ṭugugun, khyozhaa Tsooe in pasañ, raññi phame kanyonshig, ciazerna tezug cocespo ðaṅpobo innog. <sup>2–3</sup> "Khyozhagunni aba tañ amaa stsiwa coshig." Tebo ni Konchoggi kagya tañpo, kabo nyampo "Khyozhagunla jigstennika mitshe khamzañ tañ tshe riñmoe thoññoms chen"<sup>d</sup> Molkanni zhalchadpo dzads.

<sup>4</sup> Abagunni raññi ṭugua mañsteañ ldamste so yoñ macugshig. Innañ khoñgunla skyoñste Tsooe labzhe nañña lam zañpoeka thidshig.

### **Yogpo tañ sponbo.**

#### **6:5 ne 9**

<sup>5</sup> Khyozha tsheyoggunni i jigstenni nañña, khyozharaññi sponboa stsiwa tañ jigs nyampo snyiñne kanyonshig, kazug khyozhagunni mashike kanyannad. <sup>6</sup> Khoñgun thadcugcesla, khoñgunni khyozhaa sta zane, cigpo khaa manyannaa, mashike tsheyog tsogsla snyiñne Konchoggi thuggoñs coin, zhabstog zhushig. <sup>7</sup> Migunni phia manpa, Tsoo mashike phia in samste zhabstog snyiñne gamo nyampo zhushig. <sup>8</sup> Idtu coshig, tsheyog inḁo ya rañwanñan, las zañpo cokan ṅadañ rerea Tsooe solras salla dzadin.

<sup>9</sup> Tenna tsogsla khyozhaa sponbogunni, raññi tsheyoggunla gyalla coshig. Khoñgunla jigssnañ mastanshig, ciazerna namkhe nañña Mashika ni, khyozha tañ khoñ nyiskoe sponbo zhugste inkan yañ khoññi suzhiggañ chogs madzadkanbo, khyozhaa gyusinnog.

### **Shetanni gyabgalla nolcessi magchaa.**

#### **6:10 ne 20**

<sup>10</sup> Stiñjuggi khada, khyozhagun Tsoo tañ khoññi halasshessi stobssi nañña shedcan gyurshig. <sup>11</sup> Shetanni jusñangunnika nol nyancessi phia, khyozhe

---

<sup>d</sup>6:3 ibo ni zhalchad snyiñpe thimssi specha nyispa yañña Mozessi specha ṣṅape 5:16 nañña yodte innog.

Konchoggi salla dzadkanni magcha tshaŋma gonshig. <sup>12</sup> Ciazerna ŋadaŋŋi, migunni gyabgalla manpa, mathoŋkanni jigstenni ŋanpa semsnyiddi waŋŋsulpagunni gyabgalla nolin innog, kagun i tus mundiggi waŋŋsulpa, waŋ yodkan taŋ barsnaŋŋi ŋanpa waŋ gun innog.

<sup>13</sup> Tennaboephia ŋanpe zhagpo leb zane, khyozhagunni nol nyancesi phia, Konchoggi salkanni nolcessi magcha tshaŋma gonshig. Tene maggi stiŋnean khyozhagun raŋraŋŋi nasseka stanpo laŋste lusin. <sup>14</sup> Raŋraŋŋi nassabo stanpo zumste Konchoggi ke denbe skyeragspo raŋŋi skyedpeka ŋilshig, yaŋ mitshe daŋpo phudcessi magchabo khyozharaŋŋi daŋŋika gonshig. <sup>15</sup> Khyozhagunni kaŋpeka gamoe nastshulli zhide pabubo gonte maggi phia daŋdig cos. <sup>16</sup> Tegunnika nanmaa, shetanni mecanni dagun sadnyancesi phia, khyozhagunni lagpe naŋŋa kabcessi dadpe magchabo zumshig. <sup>17</sup> Khyozhagunni goeka tharpe maggi tibibo gonshig. Yaŋ dampe thugnyiddi raibo khurshig, kabo Konchoggi ka innog.

<sup>18</sup> Khyozhagunni dampe thugnyiddi naŋŋa tusgyun zhuwa taŋ moslam snatshogs tshaŋma phulshig. Shaŋ coste Konchoggi dampa mi tshaŋme phia moslam tabces mane maphaŋshig.

<sup>19</sup> Ŋaa zernessi skabs thob zane, jigssnaŋ medpa, gamoe nastshulli saŋwe skorbo ma spospa nyampo shad thubcesla ŋe phiaŋ moslam zhusshig. <sup>20</sup> Ŋaa gamoe nastshul shadcessi naŋŋa mashike skutshabs incespoe, tsonkhaŋŋa kags. Tennaboephia ŋe semsstobs nyampo gamoe nastshulbo shad thubcesla, moslam zhusshig, kabo ŋe cogos.

### **Stinjuggi ju.**

#### **6:21 ne 24**

<sup>21</sup> Tikhikus, Mashikape spun ma cessa taŋ Tsooe zhabstogpa ma idshescanzhig in. Khoe khyozhagunla ŋe naslug taŋ ŋe coin yodkan tshaŋme skorla zhibsal coste shadin. <sup>22</sup> Ŋazhe nasluggunni skorla hago cugscas taŋ khyozhagunni semsla spospa skyecugcessi phia, ŋe kho khyozhaa yodsa kallad.

<sup>23</sup> Konchog yab taŋ Tsoo Yesu mashike, khyozhaa Mashikapa spungunla zhide yaŋ tatpa nyampo camspa salshig. <sup>24</sup> Ŋadaŋŋi Tsoo Yesu Mashika thamedpe camspa cokangunla Konchoggi thugrje salla dzadshig..